



**FYLKESMANNEN
I ROGALAND**

Dykkar ref.:

Vår dato: 28.05.2013
Vår ref.: 2013/4977
Arkivnr.: 433.0

Harald Eikanger
Håvik
5574 SKJOLD

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00
F: 51 52 03 00
E: fmropost@fylkesmannen.no

www.fylkesmannen.no/rogaland

Søknad frå Harald Eikanger til å setja ut utanlandske treslag på gnr/bnr 146/1 i Vindafjord kommune. Løyve og avslag

Vi syner til søknad, mottatt 14.05.13. Søknaden gjeld løyve til planting av utanlandske tre til skogproduksjon på gnr/bnr 146/1 i Vindafjord kommune.

Heimel

Utsetjing av utanlandske treslag krev godkjenning frå fylkesmannen i samsvar med *forskrift om utsetting av utenlandske treslag til skogbruksformål (25.05.2012 nr 460)*, jf naturmangfaldlova kap IV.

Søknaden

Det er søkt om å planta ut 10 000 stk japansk lerk på om lag 50-60 da (kartvedlegg), 400 i 2013.

Fylkesmannen si vurdering

Føremålet med forskrifta er å hindra at planting av utanlandske treslag gjev uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir truga av dei framande artane, direkte eller indirekte, jf naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§8 set krav om at vedtak bygger på kjend kunnskap. Faren for spreiding av japanlerk er ikkje vurdert av Artsdatabanken (Norsk svarteliste 2012). Plantinga er omsøkt i eit større område som er kartlagt som kystlynghei med verdi viktig. Det går fram av teksten at det finst purpurlyng (nær trua) i området, og at delar av området er tilplanta, grøfta og tilgrodd. Det går fram av søknaden og ortofoto at den søre delen av eigedomen er planta til og grøfta midt på 80-talet med sitka, furu og lerk, og skild frå området lenger nord med eit gjerde. Naturtypekartlegginga er om lag 10 år gammal og tilfredsstillar ikkje dagens krav. Området bør derfor nykartleggast, og det synest klart at den søre, tilplanta delen av eigedomen då blir teken ut. For areal som blir stadfesta som kystlynghei, vil det vera mogleg å få tilskot frå Regionalt miljøprogram om det blir utarbeidd skjøtelsplan og beita og elles skjøtta i samsvar med denne. Ut frå søknaden er all plantinga planlagt sør for dette gjerdet som vart sett opp med tilskot. Dei 400 plantene som er planlagt planta i 2013 er nær inntil område sterkt prega av planta bartre, medan eit areal planlagt planta i 2014-2020, også innanfor

nemnte gjerde, ser ut som open kystlynghei ut frå ortofoto. Det er ikkje verna område i nærleiken som kan bli uheldig påverka av tilplantinga.

Ut frå føre-var-prinsippet (§9) er det viktig å sikra seg mot framtidig frøspreiing frå plantefeltet. Det er i naturmangfaldlova ei generell plikt til å opptre aktsamt (§6), og eit særlege kravet til aktsemd ved utsetjing av framande organismar (§28). Rutinar for internkontroll må innarbeidast i verksemda.

Påverknad av økosystemet skal vurderast ut frå samla belastning som økosystemet er eller blir utsett for (§10). I dette høvet kan vi ikkje sjå at tiltaket direkte legg beslag på eller er vesentleg trugsmål mot stadeigne naturkvalitetar. Indirekte verknader er drøfta nedanfor.

§11 adresserer ansvaret for eventuelle skadar på naturmiljøet til tiltakshavaren. Kostnader ved å bøta på eventuelle skadar eller førebyggja skadar skal dekkast av tiltakshavar, så langt dei er innanfor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§12).

Dei opne områda med kystlynghei er truleg utsette for tilgroing frå både planta bartre og andre treslag. Plantinga som er omsøkt i 2013 er så lita at plantinga ikkje utgjer ei vesentleg endring av frøpresset på områda rundt. Etter det vi forstår frå kommunen, er det alt kjøpt inn japanlerk for 2013. Vi er noko usike på spreingsfaren knytt til japanlerk, men ut frå Norsk svarteliste 2012 er spreingsfaren med hybridlerk vurdert å vera vesentleg mindre enn for europalerk. Vi vil derfor tilrå at hybridlerk blir vurdert for eventuell planting frå 2014. Under føresetnad av at framtidig spreiging av lerk blir overvaka og hindra om det blir aktuelt, kan vi ikkje sjå at den omsøkte plantinga for 2013 vil vera til vesentleg skade for naturmangfaldet.

Arealet som er vist for planting 2014-2020 er etter vår måling om lag 60 da. Vi gir ikkje løyve til planting her nå fordi det meste som ligg nord for Geiteviksåsen verkar som rimeleg intakt kystlynghei som både ut frå landskapsrom og frøspreiing er nær knytt til arealet med kystlynghei lenger nord. Vi meiner derfor at vurdering av planting her bør venta til kystlyngheia i området er kartlagt på nytt. Om ein på ny søker om planting her bør det og gjerast ei ny vurdering av treslaget.

Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Vedtak og vilkår

Fylkesmannen gjev med dette løyve til å setja ut til saman 400 japanlerk på eit mindre areal avmerka på kart vedlagt søknaden.

Fylkesmannen gir ikkje løyve nå til planting av om lag 10 000 japanlerk på om lag 60 da ved/nord og vest for Geitesvikåsen i perioden 2014-2020, fordi tiltaket må vurderast nærare i høve til den sterkt trua naturtypen kystlynghei, og fordi det bør vurderast å nytta hybridlerk om det skal gjevast løyve til å planta framande bartre her.

Det er eit vilkår at framtidig spreiging av japanlerk blir overvaka og hindra om det blir aktuelt.

Vedtaket kan påklagast til Direktoratet for naturforvaltning innan 3 veker. Klagen skal stilast til Direktoratet for naturforvaltning og sendast til Fylkesmannen i Rogaland.

Med helsing

Per Kristian Austbø
ass. fylkesmiljøvernssjef

Audun Steinnes
seniorrådgjevar

Dokumentet er elektronisk godkjent og har derfor ikkje underskrift

Saksbehandlar: Audun Steinnes
Saksbehandlar telefon: 51 56 89 12
E-post: fmrosas@fylkesmannen.no